

2002KO MARTXOAREN 21EKO **OHIKO OSOKO BILKURA**

Lazkaoko Udaletxean, bi mila eta biko martxoaren hogeita batean, iluntzeko zazpi-etan, Lazkaoko Udal Osoa biltzen da, aurrez honetarako deialdia egin delarik, Felix Urkola Iriarte Alkatearen lehendakaritzapean, ohiko batzaraldia egin asmoz.

Bertaratutako zinegotziak honako hauek dira: Igor Sarriegi Zumarraga, Inazio Estensoro Eskisabel, Gorka Lamy Intsausti, Arantxa Zumelaga Agirre, Irantzu Amundarain Irizar eta Urko Irastortza Aldanondo.

Jon Agirre Garmendia eta José Luis Otamendi Romero zinegotziak ez dira bertaratu.

Joseba Hernandez Madinabeitia zinegotzia bertaratzen deneko unea aktan adieraziko da.

Idazkari lanetan Iñaki Eskisabel Zurututzak dihardu.

Alkateak adierazten du Juan Manuel Sernak telefonoz hotsegin diola beranduxeago iritsiko dela esateko eta beraz bere kargu hartzearen puntua atzeratu egingo duela interesatua etorri arte.

Bestalde, esaten du, gaur izan den atentatua dela eta, presakazko izaeraz, mozio bat tratatzea eskatzen duela.

Osoko Bilkurak, bertaratutako bere partaide guztien aldeko botuarekin, ontzat ematen du mozioa presakazko izaeraz tratatzea.

I.- AURREKO AKTA.-

Alkateak bilkurari hasera eman ondoren, bertaratutakoen onespenera aurkezten da 2002ko urtarilaren hogeita hamaikan egindako bilkurako akta, idatzita dagoen moduan onartzen delarik.

II.- ALKATETZAKO EBAZPENEN BERRI EMATEA.-

Ondoren Alkateak azken Osoko Bilkuratik gaur arte emandako Alkatetzako Ebazpenen berri ematen du, ebazpen hauen zenbakizko laburpen baten bidez.

Osoko Bilkura jakinaren gainean gelditzen da.

III.- 2001EKO LIKIDAZIOA ETA KREDITU TXERTAKETA BIDEZKO 1 ZBK.DUN KREDITU ALDAKETAREN BERRI EMATEA.-

Ondoren, Alkateak 2002ko otsailaren 26ko ebazpen bidez onartutako 2001 ekitaldiko aurrekontu likidazioaren berri ematen du. Likidazio honek 242.252.774,- pta.ko Diru-

...///...

...///...

zaintzako Gerakin Likidoa ematen du. Txertaketak egiteko kreditu-gerakinak berriz 13.146.973,- pta. dira eta martxoaren 14ko dataz Alkatetzako Ebazpen bidez zenbateko horretako Kreditu Txertaketa bidezko 1 Zbk.dun Kreditu Aldaketa Espedientea onartu da.

Osoko Bilkura jakinaren gainean gelditzen da.

IV.- S.4.1. S.4.2 ETA S.4.3.KO XEHETASUN AZTERKETAREN BATEGINDAKO TESTUA.-

2002ko urtarrilaren 31n egindako osoko bilkuran Arau Subsidiarioetako 4 Hirigintz Areako S.4.1, S.4.2 eta S.4.3 gunetako xehetasun azterketa behin betikoz onartzea erabaki zen. Onarpen horretan zenbait baldintza ezartzen ziren eta baldintza hoiak jasoko zituenategindako testua aurkeztu beharko zela ezartzen zen.

Construcciones Aburuza, S.A. sustatzailearen eskutik Fernando Carazo Amundarain arkitektoak idatzitakoategindako testu hori aurkeztua izan da eta udal teknikariek egindako txosteneanategindako testu horrek xehetasun azterketari ezarritzaizkion baldintzak jasotzen dituela adierazten da.

Hau horrela S.4.1, S.4.2 eta S.4.3.ko Xehetasun Azterketarenategindako testua Osoko Bilkurara aurkeztu da bere onarpenerako.

Osoko Bilkurak, bertaratutako bere partaide guztien aldeko botuarekin, Arau Subsidiarioetako 4 H.A.ko S.4.1, S.4.2 eta S.4.3.ko Xehetasun Azterketarenategindako testua onartzea erabakitzen du.

V.- ARAU SUBSIDIARIOEN ALDAKETA PUNTUALAREN ABANTZEA.-

Alkateak esaten du puntu honetan Miguel Angel Pujanak osoko bilkuran hitzegin ahal izateko eskari bat aurkeztu duela, eta jarraituko den prozedura honako hau izango dela: aurrena berak (alkateak) gaiaren azalpena egingo duela, gero Pujana Jaunari emango zaiola hitza eta ondoren zinegotzien arteko eztabaida egin eta erabakia hartuko dela. Jarraian gaiaren azalpena eginez ematen dio hasiera puntu honi.

Lazkaoko Udalak sustatu eta Roberto Gartzia Azpiri eta Ana Ezeiza Agirre arkitektoek eta Jon Orue-Etxebarria Iturri abogatuak idatzita, 6 Hirigintz Areako - Zubizkitza gunea- Lazkaoko Planeamenduko Arau Subsidiarioetako Aldaketa Puntualaren abantzea dokumentua aurkeztu da Osoko Bilkurara bere onarpenerako. Aldaketa puntual hau ekipamendu komunitario sistemari buruzkoa da.

Aldaketa puntual honen helburua hirugarren adinera zuzendutako zerbitzuak jartzeko bi mila metro karratu inguruko eraikin baten eraikuntza posibilitatzea da.

Alkateak, 2002ko urtarrilaren 22ko Alkatetzako Ebazpen bidez, Aldaketa Puntual honen lanak jendaurreko erakustaldian jartzea erabaki zuen.

Jendaurreko erakustaldi denboraldian alegazio bat aurkeztu da, M^a Jesus Bueno eta

...///...

...///...

beste batzuk aurkeztutakoa. Esan behar da baita ere dokumentua jendaurreko erakustaldian jarri aurretik idatzi bat jaso zela Udaletxean, Miguel Angel Pujana eta beste batzuk aurkeztutakoa, gai honen inguruan udal planteamenduarekiko beraien desadostasuna agertuz.

Jarraian Miguel Angel Pujana Jaunari ematen dio hitza Alkateak.

Miguel Angel Pujana Jaunak idatzi bat irakurtzen du Udalak planteatzen duen Arau Subsidiarioen aldaketa honen aurrean beraien aurkako jarrera azalduz.

Une honetan eta Juan Manuel Serna Portugal Jauna aretora sartu dela eta, Alkateak puntu hau eten eta zinegotziaren kargu hartzea puntua tratatuko dela eta jarraian orain ari gareneko puntuarekin jarraituko dela esaten du.

V.- ZINEGOTZIAREN KARGU HARTZEA.-

PSE-EE talde politikoko Jose Antonio Dopazo Martinen zinegotzi kargua uztea zela eta ordezkapena egiteko prozesua martxan jarri zen eta honen ondorioz Hautesle Batzorde Zentraletik zinegotzi berriaren kredentzialak jaso dira. Kredentzial hauen arabera Partido Sozialista de Euskadi-Euskadiko Ezkerrako JUAN MANUEL SERNA PORTUGAL Jauna izan da zinegotzi izendatua eta bera bertan dagoelarik karguaren posesio ematen zaio honek onartzen duelarik.

VI.- ARAU SUBSIDIARIOEN ALDAKETA PUNTUALAREN ABANTZEA.-

Alkateak esaten du puntu honetan Miguel Angel Pujanak osoko bilkuran hitzegin ahal izateko eskari bat aurkeztu duela, eta jarraituko den prozedura honako hau izango dela: aurrena berak gaiaren azalpena egingo duela, gero Pujana Jaunari emango zaiola hitza eta ondoren zinegotzien arteko eztabaida egin eta erabakia hartuko dela. Jarraian gaiaren azalpena eginez ematen dio hasiera puntu honi.

Lazkaoko Udalak sustatu eta Roberto Gartzia Azpiri eta Ana Ezeiza Agirre arkitektoek eta Jon Orue-Etxebarria Iturri abogatuak idatzita, Lazkaoko Planeamenduko Arau Subsidiarioetako 6 Hirigintz Areako -Zubizkitza gunea - Aldaketa Puntualaren abantzea dokumentua aurkezten da Osoko Bilkurara bere onarpenerako. Aldaketa puntual hau ekipamendu komunitario sistemari buruzkoa da.

Aldaketa puntual honen helburua hirugarren adinera zuzendutako zerbitzuak jartzeko bi mila metro karratu inguruko eraikin baten eraikuntza posibilitatzea da.

Alkateak, 2002ko urtarrilaren 22ko Alkatetzako Ebazpen bidez, Aldaketa Puntual honen lanak jendaurreko erakustaldian jartzea erabaki zuen.

Jendaurreko erakustaldi denboraldian iradokizun bat aurkeztu da, M^a Jesus Bueno eta beste batzuk aurkeztutakoa. Esan behar da baita ere dokumentua jendaurreko erakustaldian jarri aurretik idatzi bat jaso zela Udaletxean, Miguel Angel Pujana eta beste batzuk-ek aurkeztutakoa, gai honen inguruan udal planteamenduarekiko beraien desadostasuna agertuz.

...///...

...///...

Jarraian Miguel Angel Pujana Jaunari ematen dio hitza Alkateak.

Miguel Angel Pujana Jaunak idatzi bat irakurtzen du Udalak planteatzen duen Arau Subsidiarioen aldaketa honen aurrean beraien aurkako jarrera azalduz.

Pujana Jaunaren interbentzioaren ondoren gaiarekin jarraitzen da.

Jendaurreko erakustaldian nahiz aurretik aurkeztutako idatzien aurrean dokumentuaren idazleak diren teknikariek beraien txostenak egin dituzte.

Txosten juridikoak zera dio:

Idatzietan lehenengoa (M^a Jesus Bueno eta beste batzu) proiektatutako ekipamenduentzat kokapen edo finkapen alternatiboak planteatzera mugatzen da, eta kokapen hauen analisiak juridiko arlotik kanpo daudenez, honi buruz arkitektoek diotenera jotzen dut.

Bigarren iradokizunari dagokionean eta bertan planteatzen diren gaiei buruz jarraian analizatu eta erantzuten dira:

1.- Informazio publikora jarritako erizpide, helburu eta aterapide orokorrak dokumentuaren edukiak.-

Alegatzaileek dokumentuaren eduki eskasengatik ezadostasuna agertzen dute, berde gunearen azalera eta ezabatzen den gunen librearen zenbatekoak edo bete nahi diren beharren azterketa bezalako atalak ez direla jasotzen salatuz.

Hirigintz Planeamenduko Arautegiaren 125. artikulua planeamendu orokorreko dokumentuen "Abantze" izenarekin ezagutzen ditugunak zehazten ditu, eta planeamenduaren erizpide, helburu eta aterapide orokorrak bildu behar dituzten haiek bezala kalifikatzen ditu.

Ari gareneko suposizioan Arau Subsidiarioen aldaketaren helburua lur azalera bartzuen hirigintz errejimena aldatzera mugatzen da, erkidego ekipamendu baten ezarketa utziz, gaur egun aurrikusi gabe dagoen ekipamendua.

Beraz, erizpide, helburu eta aterapide orokorren dokumentuak, are gehiago aldaketa puntual bat denean, egiteko horrekin betetzen du. Eskatzen diren gaineratiko gaiak ez dira eta ez dago une honetan zergatik jaso izanik, baizik eta haserako onarpenera jarriko den aldaketa proiektuan zuritu eta bete beharko dira.

2.- Planeamendu orokorreko aldaketa puntualaren dokumentuen izapidatzea: prestaketa egintzak osatzen dituzten, borondatezko izaera dutenak, eta derrigorrezkoak diren erizpide, helburu eta aterapide orokorren jendaurreko erakustaldiari buruzko egintzei dagozkien arteko bereizketa.

Transkribatzen diren aipamen jurisprudenzialen inguruan, eta hauetatik ondorioztatzen diren konklusioei buruz, esan behar dugu alegatzaileek akats nabarmenean erortzen di-

...///...

....///...

rela jendaurreko erakustaldia behar duten aurreko lan batzu egotearen beharra aipatzen dutenean.

Bai, planeamendu integrala osatzerako prozesuan, Hirigintz Planeamenduko Arautegiak ondorengo uneak bereizten ditu:

- a) Egitasmoen lanketa erabakitzen deneko unearen aurreko denboraldia, ez nahitaezko ez derrigorrezkoa ez dena, non proposamenak aurkezteko jendaurreko erakustaldi izapidearen irekitzea aurrikusten den (izan kontu Hirigintz Planeamenduko Arautegiaren 116 artikulua honela diola “ **Jarduneango administrazioak jendaurreko erakustaldi denboraldia ireki ahal izango du ...**”, baina inondik inora ez duela **beharko** esaten), eta
- b) jendaurreko erakustaldiko nahitaezko eta derrigorrezko izapidea -125. artikulua-, behin osatze lanak erizpide, helburu eta aterapide orokorrak formulatze adinako garapen gradua hartu dutenenekoa, eta arruntki eta ezegoki “abantze” deitzen zaiona.

Azaldutako guztitik zera ondorioztatzen da: erizpide, helburu eta aterapide orokorren dokumentua jendaurreko erakustaldian jartzean Lazkaoko Udalak jarraitutako izapidatzea zuzenbideari erabat lotzen zaiola.

3.- Administrazioaren diskrezionalitate eta arbitrarietateari buruzko eskakizunak erizpide, helburu eta aterapide orokorren dokumentua egiterakoan.

Aurretik esandakoarekin bat, jendaurreko erakustaldira jarritako dokumentuak gune libre eta gune berdeetako afekzioa zuritu dezaten beharrari buruz ekiten da berriro.

Bikoizketak ekiditzearren, lehen esandakoan errepikatu behar dugu, hau da, jendaurreko erakustaldira jarritako dokumentuak planteatzen den aldaketaren helburu eta aterapide orokorrak jasotzera mugatu behar dela, eta helburu hoiek behar bezala jasoak daudela. Egindako gainontzeko eskakizunak, haserako onarpenera jarriko den proiektuan behar bezala aztertuak izan beharko dira, are gehiago, iradokizunean zuzen esaten den bezala, berdegune eta gune libreetara zuzendutako azalerak ukitzen direnean.

Azken atal batean idatziak Zaharren Egoitza edo Gerontologi Etxearentzako kokapen alternatibo batzuen aipamena egiten du, eta beste iradokizunean bezalaxe, hauek arkitektoek informatuak izan beharko dira.

Txosten teknikoak zera dio:

Bi idatzietan Gerontologi Etxearen birkokapena planteatzen da, beraz gai hau batera tratatuko da, gehiago oraindik bi alternatiba berdinak direla bi idatzietan kontutan hartzen badugu eta Altuna Etxea eta inguruak eta 1 Sektoreari dagozkionak berdinak direla ikusita.

Lehenengo idatzian azaldutako gai orokorren inguruan zera esan daiteke:

...///...

...///...

- o Zentru Gerontologikoaren ezarpenak ez du gune baten hirigintz kalifikazioa aldatzen, ez eta dentsitate baldintzak ere, etxebizitzaren kopurua ez bait da handitzen, eta

ondorioz Zubizkitzako poligonoak dentsitate bajuko etxebizitzaren gune bat izaten jarraituko du.

- o Ekipamendu berriaren kapazitatearen inguruan egindako aurre azterketetan kontutan izan den irizpideetako bat erresidentzi berriak inguruko eraikinen perfila ez gainditzea izan da (sotoa eta 2 solairu), eta azterketa horietatik eraikinaren beharretarako erdisoto eta 2 solairuez osatutako perfila nahikoa dela ondorioztatu da. Beraz, perfilari dagokionean inguruko etxebizitzari egokitzeak ez du eraikin berriaren programa funtzionala mugatzen.
- o Aurrekoa kontutan hartuz erresidentzia eraikitako ingurunean integratua geldituko litzateke, ondoko etxebizitzaren pareko zabalerarekin.
- o Proposatutako Arauen Aldaketan ez da bide-sistemaren inolako aldaketarik aurrikusten, eta atzekaldeko bidearen trazadura aldatzeko aukera aztertu den arren, proposamen hau Zentru Gerontologikoaren ezarpenarekin zerikusirik ez duen, eta Zubierreka Industrialde aurreko zoru industrialen garapenarekin lotuta dagoen ordenazioko eskema baten barruan sartzen da.

Erresidentzia ezartzeko proposatzen diren beste aukeren inguruan zera esan daiteke:

- o 1. Sektorea:

Proposatutako Zentru Gerontologikoak gutxi gora behera plantan 2.000m²-ko okupazioa eskatzen du, eta ondorioz Orobione izeneko eraikina eta bariantearen arteko ia espazio osoa okupatuko luke, aktuazio honek Lazkaoko hirigune historikoan eraikuntzako interbentzio ezegoki bat suposatzeaz gain.

Bestalde, alternatiba honek batetik edozein motako garapen residentziala planteatzeko ia ezintasuna ondorioztatuko luke, eta bestetik, eta 1. Sektoreko lursailen zati bat Udalaren titularitatekoa dela kontutan hartuz, bertan motaren bateko babesaren duten etxebizitzaren garapena ezinduko litzateke.

Era berean ekipamendu berria titularitate pribatuko lurretan kokatzeak, Udala lur horien jabetza eskuratzera behartzen du, Arauen Aldaketan proposatutako lursailen titularitatea Udalarena den bitartean.

Azkenik, denbora ikuspegi batetik, alternatiba honek Lazkaon Zentru Gerontologikoa eraikitzeko aukera denboran gehiegi atzeratzea ekarriko luke, 1. Sektorean, Planeamenduko AA.SS.eta Elementuen Aldaketaz gain, dagozkion Plan Partziala, Gestio Proiektua eta Urbanizazio Proiektua formulatu eta izapidatu beharko liratekelako.

- o Enpaundiko Gunea:

Gune honek ez du Udalaren proposamenarekiko inolako abantailarik aurkezten (zentralitate, hirigune, beste zerbitzu batzuetara irisgarritasuna etab.). Aurreko alternatibaren azaldu-

...///...

...///...

tako zenbait desabantaila aurkezten ditu ordea, lurzorua erosteko beharra eta denboran gehiegizko atzerapena kasu, aurreko kasuan bezala, planeamendu orokorraren aldaketaz gain, dagozkion Plan Partziala, Gestio Proiektua eta Urbanizazio Proiektua formulatu eta izapidatu beharko liratekelako.

- Areria zinemaren orubea:

Udalaren aurrikuspenean lehen Areria Zinema kokatzen zen orube berean, zinema, antzerki, musika iharduera etab. garatu ahal izateko eraikin bat eraikitzea da. Beraz, erresidentzia orube horretan kokatzeak, eraikin kulturalarentzat beste alternatiba bat proposatzea eskatuko luke, eta ahalegin hau lehen ere burutu da, aldeko emaitzarik lortu gabe.

- 2. Sektoreko gune berdea:

Gune hau hezkuntzako ekipamendu, espazio libre eta kirol gunerako zeszioetatik lortu da, 2. Sektoreko hirigintz garapeneraren ondorioz. Aukera hau kontsideratzeak, eraikin berriak ordezkatzeko duen espazioa interes gutxioko beste lursail batzuetan birkokatzeko gain, udalerriarentzako interesa duen espazio libre zentral bat galtzea suposatuko luke.

- Oraingo Batzoki eta Sarasolaren Garajea:

Aukera hau ezingo litzateke inolaz ere kontutuan hartu, 32 etxebizitza, lokal komertzial eta garajeak eraikitzekeko urbanizazio eta eraikitze lanak jadanik hasita bait daude.

- Praileen baratza:

Beste aukerek aurkezten dituzten desabantailak ditu, aurrez zorua erosi, eta planeamendu orokorraren aldaketaz gain, dagozkion planeamenduaren garapenerako Gestio eta Urbanizazio proiektuak formulatu, izapidatu eta onartzea kasu.

Amundarain zinegotziak (EH) esaten du alde batetik ez direla sartu behar egon den polemika horretan, eta esan bakarrik ikusi dela Goierriin badagoela era horretako etxe bat egitearen beharra eta Lazkaon egiteko aukera badagoela eta kokapenari buruz ez daukatela inongo arazorik, kokapena ez zaiela txarra iruditzen eta bai esan nahi dutena, aktan jasota gera dadin behintzat, beraien kezka batez ere gero gestioa nolakoa izango denarena dela, eta beraiek gero horretan lana egingo dutela gestio publiko baten alde egingo dutela eta baita ere esaten du polemika egon denez tramite juridiko eta administratibo guztiak zorrotz eta zuzen eramatea eskatzen dutela.

Estensoro zinegotziak, EAJ eta EAren izenean, esaten du azkeneko hiru urtetan gizarte zerbitzuetatik eta alkatetzatik lanean aritu direla Olaberri eta Ataunekin batera, zaharren egoitzak kokapena Lazkaon izan dezan, batez ere jakinik Beasain eta Ordizia ere horren atzetik zebiltzala, aukera hori aurrera atera zedin elkarlana egin dela eta une honetan epe motzera zentro hori eraikitzekeko ikusten duten aukera bakarra proposatzen den kokapenean dela eta beraz horren alde egingo dutela, eta beraz proposamenaren alde bozkatuko dutela eta enpeino handia jarriko dutela gure zaharrak ahal dela herrian izan dezaten eta lehenbailehen zerbitzu hori.

...///...

...///...

Serna zinegotziak (PSE-EE) esaten du jendartetik egon den interbentzioa ez duela ondo entzun eta ea berriro entzutea posible ote litzatekeen.

Alkateak, jendartean dagoen Pujana Jaunari esaten dio ea berriro esango duen lehen esandakoa.

Jendartetik Pujana Jaunak berriro irakurtzen du lehen irakurritakoa.

Serna zinegotziak esaten du ados daudela Lazkaon zaharren egoitza baten behararekin baina zenbait adierazpen egin nahiko lituzkeela. Esaten du txosten juridikoa bazutela ez horrela txosten teknikoa eta atzo bertan txosten hori ez zegoela espedientean. Baita ere esaten du aldaketan proposatzen den gunea ez dela egokiena, beraien ustez badaudela gune hobeak eta proposatzen den gune honek duen arazo nagusietako bat inguruetan industri gunea bat edukitzearena dela. Eta guzti hau dela medio abstenitu egin behar dela.

Alkateak egon diren interbentzioetan esandakoei erantzunez, Amundarain zinegotziak esandakoei erantzunez esaten du herri kudedaketari buruz oraindik lotu gabe degoen gauza dela eta hori bere garaian zehaztuko dela eta, zorrotasunari buruz erantzuten dio noski juridikoki pausorik zorrotzenak ematen saiatuko direla, bai gai honekin eta bai beste gai guztiekin. Serna zinegotziari erantzunez esaten dio, egia dela aste bukaera izan den bezalakoa izan delako, atzo egin zela gai honi buruzko azkeneko bilera eta txosten teknikoa gaur goizean gehitu dela espedientera. Esaten du hori horrela baldin bada ere txostenean zehazten diren gaiak lehen ere Hirigintza Batzordean tratatutakoak zirela eta konsziente ginela ze arazo egon zitezkeen eta ez dakiela horren sorpresan harrapatzeko gai bat den. Gunearen egokitasunari buruz esaten dio ez duela uste eztabaidan sartzeko gaia denik, zeren gunea industrialetik hurbiltasuna edo urrutitasuna neurtzea, Lazkaoren dimentsioa denok ezagutzen dugula, zona egokiagoak edo ez egokiagoak denok izan ditzazkegula gure nahiagotasunak, baina industri gunetik hurbiltasuna aipatzen denean ez dakiela beldur hori Zubierreka industrialdean errepidez bestalde planteatuko den industri gunearengatik den ze horri buruz Batzordean hitzegin denean garbi utzi da industri gunea horrek muga bat izango duela egoitza gunean ahalik eta inzidentzi gutxien izan dezan, eta bestalde esan etxebizitzak badaudela hurbilago daudenak ere eta bestalde beste gunea batzuetan hotsaren arazoa berdin berdin izan daitekela ez behar bada industriagatik baina bai adibidez errepidearengatik.

Honen aurrean, Osoko Bilkurak, Hirigintza Batzordearen proposamenez, aldeko zazpi botu (EAJ-PNV, EA, EH), aurkako boturik gabe eta abstentzio batez (PSE-EE), eta beraz Udala osatzen duten legezko gehiengo osoaren aldeko botuarekin, honako akordio hauek hartzen ditu:

1.- Arau Subsidiarioetako abantze hau jendaurreko erakustaldian jarri aurretik aurkeztutako idatzian (M^a Jesus Bueno eta beste batzu) hala nola jendaurreko erakustaldi denboraldian aurkeztutako idatzian (Miguel Angel Pujana eta beste batzu) egiten diren iradokizunak eta planeamenduko alternatibak, akordio hauen aurrekinetan azaltzen diren txosten juridiko nahiz teknikoan emandako arrazoiengatik, ezestea.

2.- Arau Subsidiarioetako aldaketa puntual honen abantzea onartzea.

...///...

...///...

3.- Talde erredaktatzaileari aldaketa puntual honen behin betiko dokumentua idatz dezan agintzea.

VII.- GIZARTE ZERBITZUETAKO HITZARMENA.-

Alkateak, 2002ko otsailaren hogeiko datako alkatetzako ebazpen bidez Udal hau eta Gipuzkoako Foru Aldundiaren arteko gizarte zerbitzuak emateari buruzko hitzarmena izenpetzea ebatzi zuen.

Hitzarmen honen bidez gizarte zerbitzuekiko Diputazioa eta Udalen arteko lankidetzaren bermatu nahi da.

Orain Osoko Bilkurara ekartzen da bere berrespenerako.

Irastortza zinegotziak (EH) esaten du hau bere egunean EUDEL eta Diputazioaren arteko erabakia izan zela. Esaten du baita ere Batasunatik beti esan dutela EUDEL ez dela Euskal Herri osorako Udalen bilgunea eta horregatik EUDEL-en parte hartzeari beti uko egin diotela, proposamen horren tramitazioan Batasunak inoiz ez duela parte hartu eta hitzarmen horrek bai kostu aldetik batez ere herri txikiei baina baita ere ez hain txikiei kalte handiak egingo dizkie eta guzti horregatik beraiek aurka daudela adierazten du.

Alkateak esaten du EUDEL eta Foru Aldundiaren akordioa izan arren Gizarte Zerbitzuetako Diputatuak alderdi guztiekin egin dituela bilerak eta udalekin harreman nahiko estuak izan direla. Esaten du baita ere kostuen aldetik egia dela aldaketak suposatuko dituela eta herri batzuk hobetu eta beste batzuk kaltetuak aterako direla baina Lazkaori aurrezteko suposatuko diola, aurreko ekitaldiko zenbatekoetan behintzat, eta hitzarmen honek udalei gizarte politika egiteko aukera izan dezaten suposatuko duela.

Guzti honen ondoren gaia bozketan jartzen da eta Osoko Bilkurak, aldeko 6 botu (EAJ, EA, PSE-EE) eta aurkako 2 botu (EH) hitzarmen honen izenpetzea berrestea erabakitzen du.

VIII.- BAKE EPAILEAREN AUKERAKETA.-

Euskal Herriko Justizi Auzitegi Nagusiko Gobernu-Idazkaritzatik idatzia jaso da Bake Epailera izendatu zenetik lau urteko epea amaitzear dagoela eta Osoko Bilkurak Bake Epaila titular eta ordezkoko karguetarako aukeraketa egin dezan eskatuz.

Hau honela deialdi irekia egin da, herrian zehar hala nola Gipuzkoako Aldizkari Ofizialean iragarkiak jarri eta baita ere prentsako herriko kronikan kargu hauetarako interesatuek beraien izena Udaletxean eman zezaten eskatuz.

Honen ondorioz bi herritar izan dira karguan interesatuta beraien izena eman dutenak: Joxe Garmendia Aiestaran Jauna eta Jesus Jabato Crespo Jauna.

Bere izena eman duten bi pertsona hauen xehetasun pertsonalak honako hauek dira:

...///...

...///...

Joxe Garmendia Aiestaran.- Lazkaoko bizilaguna, San Prudentzio, 15 - 3. eskubian helbideratua, 70 urte dituen, jubilatua, N.A.N. zbkia.: 15.205.369-T. Telefonoa: 943881702.

Jesus Jabato Crespo.- Lazkaoko bizilaguna, Iturgaitzaga, 5 - 1. ezkerrean helbideratua, 23 urte dituen, zuzenbidean lizentziatua, N.A.N. zbkia.: 72.451.314. Telefonoa: 943888426.

Alkateak esaten du Joxe Garmendia Aiestaran Jauna orain arte kargu horretan aritu dela eta beraien ustez oso ondo bete duela eta bake epaile titular bera aukeratua izan dadin eta ordezkari Jesus Jabato Crespo Jauna aukeratua izan dadin proposamena egiten duela.

Osoko Bilkurak, bertaratutako bere zortzi partaideen aldeko botuarekin, guztira hamaika direlarik, eta beraz gehiengo osoaren aldeko botuekin, bake epaile titularerako Joxe Garmendia Aiestaran eta ordezkari bake epailerako Jesus Jabato Crespo Jauna aukeratzea erabakitzen du.

IX.- ENIRIO-ARALAR MANKOMUNITATEKO PROPOSAMENA.-

Enirio-Aralarko mankomunitateak honako erabaki hau hartu zuen 2002ko otsailaren 13an egindako bilkuran:

MANKOMUNITATEKO BASOETAN DAGOEN HERRIEN ARTEKO ZATIKETA KONPONTZEKO PROPOSAMENA

Jakina da Mankomunitateko basoak (bueloa) herrien artean banatuta dauzkagula, hori guztia 1821ko azaroaren 22an hartutako erabakiaren arabera Adiskidetasun Eskrituraz, hau da, berriro landatzeko modukoak ziren hainbat eremuetako bueloa zatitzeko. Urteak dira egoera horri buelta eman behar zaiola pentsatuz, eta ez gara oraindik banaketa hori konpontzera iritsi.

- Baso-aprobetxamendua 1821 urtean banatu zenean, 1.110 ha. zuhaitzi genituen, 650 Ha. besterik ez da geratzen, eta horiek, orduan markatu zireneko lote batzuetan bakarrik geratzen dira, eta horietan ere, desberdin banatuta.
- Baso horiek egurretan duten balioa herrietako loteen artean nola banatzen ziren jakiteko, IKT enpresak 1994an balorazio osoa egin zuen (452.461.000 pta) eta bere banaketa, herri desberdinen zatien artean, ondorengo koadroan ikusi daitekeen moduan:

Abaltzisketa	%13,71	Gaintza	%9,60
Amezketza	%17,83	Itsasondo	%1,82
Altzaga	%0,91	Lazkao	%9,38
Arama	%0,91	Legorreta	%5,28
Ataun	%8,25	Ordizia	%5,40
Baliarrain	%3,33	Orendain	%6,66
Beasain	%2,92	Zaldibia	%10,67
Ikaztegieta	%3,33	GUZTIRA	%100

...///...

...///...

- Esan beharrik ez dago, balorazio oso hori ez dela dirutan gauzatzeko modukoa. Gainera, badakigu basoa ezin dela egurra adineko baliora, eta denen eskuetan

dagoela horren balio ekologiko eta ekonomikoa mantendu eta handitzea, Mankomunitateak interes publikoa duten mendiak zaintzeko neurriak hartzen baditu, behintzat.

- Bestalde, basoak herri guztienak izan daitezen eta guztiek modu berean edo antzekoak parte har dezaten, herri guztien arteko irtenbidea bilatzea komeni dela uste dugu.
- Mankomunitateko basoa Aralar Parke Naturalaren barruan daude eta, arrazoi ekologikoak medio, zuhaitzen mozketa mugatu egiten da, are gehiago, egun dauden baso guztiak Lareoko urtegiaren arroan kokatzen baitira.
- Gainera, irailaren 5eko 80/2000 Foru Dekretuak, Gipuzkoako basoak zaindu, hobetu eta ugaritzeko laguntza arauak ezartzen dituenak, aukera ematen du, ekologia, berezitasun edo paisaiako arrazoiek eraginda, zuhaitzen mozketa mugatze arren dirulaguntzak jasotzeko.
- Horretarako, Nekazaritza eta Ingurumen departamentuarekin kontratu bat hitzartu beharko litzateke, eta urte eta hektareako laguntza 19.966 pezetaraino (120,00 euro) iritsi daitezkeen dirulaguntzak aurreikusi dira, hitzarmenak irauten duen garaian zehar.

Hau guztia ikusita, honako hau erabakitzea proposatzen da

PROPOSAMENA

A.- Mankomunitateko kide diren herriei 1821ko azaroaren 22ko Adiskidetasun Eskritura bidez emandako, baso-aprobetxamendurako gai ziren eremuen buelo-zatiketa bertan behera uztea, erabaki honen azalpen atalean aipatutako portzentajeen arabera.

Horren ondorioz, Enirio-Aralarko mendiak izango dira “Uniones de Amezqueta y Villafranca de Oria”ren helburua, gaur egun eta etorkizunean izango dituzten aprobetxamendu guztiekin, bueloa eta birlandatzeko eskubidea barne, eta Estatutuen 3 eta 4 artikulua ildo horretatik aldatuko dira.

B.- Horretarako, azaldutako balioetan egun dauden desberdintasun ekonomikoak berdintzeko bidean jartzea, aurrez aipatutako balorazioaren arabera, eta Foru Aldunditik jasotzea espero diren dirulaguntzekin orekatu, dagokion araudiaren arabera eta modu honetan:

1.- Herri bakoitzak modu berean parte hartzeko, %7a jarri muga bezala (%6,66 borobiltze arren), eta konpentsazio ekonomiko hori banatzerakoan, herri guztiek portzentaje hori edo beheragokoa utzi egingo lukete, eta dena dela, bere parte hartzea txikiagoa izango balitz.

2.- %7tik gorako partehartzea duten herriei ze ordaindu behar duten erabaki, baso aprobetxamenduetan duten partehartze osorainoko gainerako portzentajeari dagozkion dirulaguntza kobratzeko eskubidea, eta gainerako portzentaje hori 2.719.345 euroen (452.461.000 pta) balorazioari aplikatuko zaio; hona hemen xehetasuna:

...///...

...///...

--	--	--	--

Abaltzisketa	6,71%	182.468 €	30.360.120 pta
Amezketak	10,83%	294.505 €	49.001.509 pta
Ataun	1,25%	33.992 €	5.655.793 pta
Gaintza	2,6 %	70.703 €	11.763.990 pta
Lazkao	2,38%	64.720 €	10.768.502 pta
Zaldibia	3,67%	99.800 €	16.605.323 pta
TOTAL		746.188 €	124.155.237 pta

3.- Diru horiek lortzeko, Foru Aldundiarekin behar den kontratu sinatu, laguntzak era honetan zehaztuta:

Mankomunitateak dituen 650 Ha basoengatik, 120 euro Ha eta urteko laguntza, 78.000 euro urteko dirulaguntza jaso beharko luke gehienezko kopuruak hartuz gero.

Hori horrela, kontatua 10 urterako eginez gero, 780.000 euro lortuko lirateke; horietatik 746.188 euro aipatu den bezala banatuko lirateke eta hortik gorakoa Mankomunitaterako geratu.

Urteroko kopuruak txikiagoak izango balira, 10 urteko epea luzatu beharko litzateke, herrien eskubideak likidatu arteko denboraz, eta aurreko koadroaren arabera.

C.- "A" atalean erabakitakoa Foru Aldundiarekin aipatutako kontratua gauzatzen den unean bertan jarriko da indarrean, eta une horretan bertan bihurtuko da Mankomunitatea baso bueloaren jabe, gaur egungoa eta etorkizuneko, eta birlandatzeko eskubidea izango du, loteek erreferentzia historikoa besterik ez dute izango.

D.- Lehendakari andrea eskubideratu erabaki hau betetzeko behar diren agiriak gauza ditzan.

E.- Erabaki honek eraginkortasun osoa izan dezan, Enirio-Aralarko Mankomunitatea osatzen duten herri guztiek Osoko Bilkuretan hartutako erabakiz berretsi beharko dute, bakoitzak bere udalean, jakina.

Lazkaoren kasuan berezitasun bat badago kontutan hartu beharko dena eta zera da: Lazkaok bere garaian berari zegokion "bueloa" saldu egin zuela.

Osoko Bilkurak, gaia aztertu ondoren, bertaratutako bere partaide guztien aldeko botuarekin, proposamena onartzea erabakitzen du.

X.- ZAHARREN ALDEKO AGIRIA.-

Alkateak Zaharren Aldeko Agiria irakurtzen du. Agiriak honela dio:

"ZAHARREN ALDEKO AGIRIA

...///...

...///...

Gerontologia Planaren lehen helburua adineko pertsonak beren ingurunean mantentzea da, eta horretarako lehen estrategiatzat hartzen du bazterketaren aurka borroka egitea eta gizarte elkartasuna eta kohesioa indartzea.

Gai honi lehentasuna eman zaio adinagatiko diskriminazioari aurre egiteko bitartekoak jarri behar direlako, joera hori gure gizartean zabaltzen ari baita, sarritan, naturaltasun osoz.

Diskriminazio mota horrek funtsezko berezitasun kualitatiboa dauka: eragiten dutenek, noizbait, diskriminatzen duten taldeko partaide izaten bukatuko dute. Beauvoirrek dioenez *“gizarteak lortzen du zaharrak gure hurko ez balira bezala ikustea”*. Eta hori horrela dela frogatzen du zaharrak ere ez direla errealitate horrekin identifikatzen, eta batzuetan beraiek ere jarrera diskriminatzaileak dituzte zaharragoak eta ahulagoak diren beste adinekoekin.

Herritarren artean jarrera aldaketa bultzatu beharraz jabetuta, Gizartekintzak eta Gipuzkoako Adinekoen Kontseiluak **Zaharren aldeko agiria** prestatu dute honako helburuok: gizarte ez horren diskriminatzailea eta, aitzitik, integratzaileagoa izan dadin bultzatzea, gizarte adin guztietako herritarrok osatzen dugula konturatzeko eta jabeatzeko bideak egitea eta, halaber, adin guztietako herritarrok osatzen dugula konturatzeko eta jabeatzeko bideak egitea eta, halaber, adin guztietako herritarrok dugula gizartearen garapenean parte hartzeko eta gizartearen baliabideez gozatzeko eskubide bera.

Agiri honek, hasiera batean, alor guztietan bultzatu beharreko jarrera aldaketa eragingo luketen oinarritzko batzuk ezartzen ditu.

Batetik, aldaketari oinarri sendoa emango lioketen osagaiak jasotzen ditu, gure jarreraren oinarriak zehaztuz. Besterik, **zaharren eskubideen aldarrikapena** proposatzen du, eskubide horiek benetan gauzatu ahal izateko bete behar diren **baldintzak** adieraziz.

Agiri hau guztion beharrak kontuan hartu eta errespetatuko dituen gizarte bat lortzeko lehen urratsa izatea espero dugu.

PRINTZPIOAK

Zaharren giza taldea gizarte osoaren zati bat bezala hartuko duen gizarte integratzaile baten alde egiteak eskatzen du eguneroko bizitzan -ez adierazpen erretorikan bakarrik- hiru printzipio hauek etengabe mamitzen joatea:

- ❑ **Adinagatik bazterketarik ez egiteko printzipioa.**
- ❑ **Herritartasunaren printzipioa.**
- ❑ **Belaunaldien arteko elkartasunaren printzipioa.**

Adinagatik bazterketarik ez egiteko printzipioa.

Gizarte bizitzako esparru guztietan zaharrei buruz ditugun hainbat aurreiritziren aurka borro-

...///...

...///...

ka egin behar da eta azken batean errotik kendu behar dira, aurreiritzi horiek eramaten gaituztelako, maizegi gehiegizko naturaltasunez, zaharrak alde batera uztera batzuetan,

zaharren parte hartzeari oztopoak jartzera beste batzuetan, haien ordeztu erabakiak hartzeraren sarritan, eta, gizarte babeseko sistemaren oraingo eta batez ere etorkizuneko zailtasunen erruduntzat zaharrak hartzeraren, hainbestetan.

Herritartasunaren printzipioa.

Herritartasunaren printzipioa gauzatzeko, benetako aukeraren eman behar zaie zaharrei, eta bitartekoak jarri, bizitzaren pribatutaren nahiz gizarte bizitzaren beren eskubide zibil, politiko eta ekonomikak eta kultura eta gizarte eskubideak erabiltzeko, eta, eskubide horien bermatzearren, defentsarako egokienak dituzten lege babeseko bitartekoak erabiltzeko, berdin norbere etxean bizi diren zaharrek nahiz egoitzetan bizi direnek.

Belaunaldien arteko elkartasunaren printzipioa.

Belaunaldien arteko elkartasunaren printzipioaren funtsa elkarri laguntzea da, hots, bizitzaren zikloko fase desberdinetan dauden pertsonen arteko hartu-emanaren elkarrekikotasuna. Hori da gure gizarte segurantzako ereduaren funtsa, *banaketakoa* deritzona, belaunaldien arteko itun baten fruitua delako, non gizarte laguntzak langile aktiboen ekarpenekin finantzatzaren diren, hurrengo belaunaldiak haintzat beste hainbeste egingo dutelakoan.

Printzipio hau zorrotz gauzatu behar da gizarte eskubideen jarraipena bermatuko bada, eta ihesbiderik gabeko defentsa egin behar zaio, hori delako gizarte eskubideak beste batzuen pareko bihurtzeko bide bakarra, hau da, gaur zalantzagabekoak diren eskubide zibil eta politikoaren parean jartzeko bidea.

ZAHARREN ESKUBIDEAK

Hainbat adierazpen ofizial daude, nazioartekoak edo nazioetakoak, publikoak edo pribatuak, zaharren eskubide eta askatasunak aldarrikatzeko eginak. Horien artean aipagarriak dira: Nazio Batuen *Pertsona Zaharrentzako Printzipioak*, Zahartzararen Nazioarteko Federazioaren *Zaharren Eskubide eta Erantzukizunen Adierazpena*, Herritar Zaharren Nazioarteko Elkarrearen *Herritar Zaharren Eskubideen Aldarrikapena*, Zaharren Ongizaterako Europako Elkarre EURAGEN *Europako Zaharren Eskubideen Agiria*, Frantziako *Zahar Ezinduen Eskubide eta Askatasunen Agiria*, Eskoziako *Zaharren Eskubideen Agiria*, Irlandako *Zaharren Eskubideen Agiria* eta Amerikar *Zaharren Eskubideen Agiria*.

Esku artean dugun agiri honek beretzat hartzen du testu horien mamian dagoen filosofia, baina, dena den, beste agiri bat egitea komeni dela deritzogu, aipatutako agirietan jasotako eskubideekin funtsean bat etorririk ere, eskubide horiek gauzatzeko behar diren egoera eta baldintzak xehetasun handiagoz jasotzeko, bidea zabaldu nahi baitugu eskubideen aldarrikapenak berekin zer dakarren hausnartzeko eta eztabaidatzeko.

Duintasun eskubidea.

...///...

...///...

Duintasuna da pertsonari berezko balioa aitortzea, nori bere norbanakotasuna errespetatuz, begiratu gabe haren adin, sexu, arraza edo jatorrizko etnia, ezgaitasun,

gizarte eta ekonomiako estatus, eta bestelako ezaugarri pertsonal edo sozialak zer-nolakoak diren.

Eskubide hori benetan gauzatzeko beharrezkoa da:

- Zaharrak errespetu guztiz, zuzen eta egoera ulertuz tratatzea, bai hitzezko harremanean eat bai eguneroko bizitzako eginkizunetarako laguntza fisikorik behar badute laguntza hori ematerakoan. Horrekin batera -beste aldera-, zaharrak inola ere eta ezergatik ere modu iraingarri edo umiliagarrian ez tratatzea, eta tratu txar fisiko, psikologiko edo emozionalik bere baitan duen jokabiderik haiekin ez erabiltzea.
- Zaharrak pertsona helduei dagokien eran tratatzea, ez umeen erara, egoera psikiko txarrean egon arren.
- Zaharren esku behar adina baliabide jartzea, bizileku, segurtasun, garbitasun, janari, jantzi eta gizarte harreman egokiak izan ditzaten.
- Zaharren intimitatea errespetatzea.
- Zaharren afektibitate eta sexu bizitza errespetatzea.
- Zaharren bizi erritmoa errespetatzea.
- Duintasunez hiltzeko bidea ematea, zaharraren sinesmena edo usteak errespetatuz eta, min fisikoa arintzeko zainketa aringarriak eta laguntza psikologikoa ematea.
- Burua galdu baino lehen adierazitako nahia betetzea.

Independentzia eskubidea.

Independentzia da norberak aukeratu ahal izatea nahi dituen bizimodu, pentsaera, jokaera eta harremanak.

Eskubide hori benetan gauzatzeko beharrezkoa da:

- Zaharrak bere bizimodua aukeratzeko ahalmena izatea.
- Zaharrak bere baliabideak eta ondarea nahi duen bezala erabiltzea.
- Zaharra bere beharrei egokitua den eta mugigarritasuna eskaintzen dion ingurune batean bizitzea, erraza izan dakion bere etxean bizitzen jarraitzea, komunitate zerbitzuak eskuratzea, landa edo hiri ingurunera joatea, bai eta garraio publikoa erabiltzea eta informazioa izatea ere.
- Gizarte eta osasun arloko zerbitzu eta laguntzak, ahal dela ezintasunik ez sortzeko eta au-

...///...

...///...

tonomia maila gordetzeko komenigarrienak, eskuragarri izatea, nork bere etxean bizi izaten jarrai dezan.

Parte hartzeko eskubidea.

Zaharrek eskubidea dute gizartean txertaturik jarraitzeko eta modu aktiboan parte hartzeko, politika publikoak zehaztu eta gauzatzeko garain parte hartuz -bereziki haien ongizatean eragina dutenean- eta belaunaldi gazteagoei beren jakintza eta esperientzia helaraziz.

Eskubide hori benetan gauzatzeko beherrezkoa da:

- Zaharrek beren eskubide zibil, politiko, ekonomiko, gizarteko eta kulturazkoak gauzatu ahal izatea, etxean bizitzen jarraitu nahiz egoitzaren batean bizi.
- Zaharrek beren aukerak bilatu eta baliatu ahal izatea komunitateari zerbitzu emateko eta bakoitzaren interes eta gaitasunerako postu egokietan boluntario gisa lan egiteko.
- Zaharrei buruzko politikak zehazten zuzenean diharduten mugimendu eta elkarteetan parte hartu ahal izatea, edo lan horretan diharduten erakunde edo instituzioetan ordezkatura egotea.

Norberaren errealizaziorako eskubidea.

Zaharrek eskubide dute beren nortasuna, gaitasunak eta ahalmenak garatzen jarraitzeko eta adierazpen premiei erantzun ahal izateko, eta, horrela izan dadin, lan, hezkuntza, kultura eta atsedean jardueretan parte hartzeko aukera izan behar dute, umeentzako moduko jardura estereotipatuak egitera behartuta egon gabe.

Eskubide hori benetan gauzatzeko beharrezkoa da:

- Zaharrek beren inguruneko hezkuntza, kultura, informazio, erlijio eta atsedenerako baliabideak erabili ahal izatea.
- Zaharrek aukera izatea lanbide jardueretan aritzeko eta lan munduan beste edozein langileak adinako aukera izatea hautatua izateko, etengabeko prestakuntzarako eta sustapenerako.
- Erretiratzeko formula malgu eta mailakatuak egotea: aurrejubilazioko aukerak, lanaldi murriztua, ordezkapen kontratuak, e.a.

Norberaren eskubideak ezagutu eta defendatzeko eskubidea.

Adineko pertsonei zer eskubide duten jakiteko eta eskubide horiek defendatzeko ahalmena bermatu behar zaie; bestela esanda, zaharrek eskuragarri izan behar dituzte beren eskubideei buruzko informazioa lortzeko moduak eta haiek gauzatzeko babes eta defentsa bideak. Horretarako:

...///...

...///...

- Beren eskubideen berri modu egokian eman behar zaie.
- Behar bezalako babesa eta defentsa izateko dituzten bideen berri modu egokian eman behar zaie eta, azaldu behar zaie nahi duten pertsona izenda dezaketela beren

interesen ordezkari izan dadin, baldin etorkizunean adimen urriko egoera heldu eta legez ezgaituta geldituko balira ere.

- Gai horretan azpimarratu behar da legezko figura hori benetan zaharra babesteko dela, beraren xede bakarra orain eta, batez ere, zaharraren eskubideak errespetatzeko bermea ematea baita.”

Osoko Bilkurak, gaia aztertu ondoren, bertaratutako bere partaide guztien aldeko botuarekin agiri hau onartzea erabakitzen du.

XI.- GAY ETA LESBIANEN MOZIOA -

Alkateak GEHITU eta HEGOAK Elkarteek aurkeztutako mozioa irakurtzen du. Mozioak honela dio:

“MOZIOA

- 1.- “Izatezko Bikoteen Udal Erregistroan inskribatzen diren sexu bereko bikoteek aukera izango dute, hala nahi izanez gero, beren elkartzea zeremonia baten bidez ospatzea ezkontza zibilak egiteko erabiltzen diren geletan.”
- 2.- “Alkateak eta zinegotziek konpromisoa hartzen dute izatezko bikoteek eska litzaketen zeremonietan parte hartzeko, Udaletxean egiten diren ezkontza zibilentzat duten disponibiltate eta parte hartze baldintza berberekin.”
- 3.- “Lazkaoko Udalak Estatuko legegileari eskatzen dio Kode Zibila lehenbailehen alda dezala, sexu bereko pertsonak osatzen duten bikoteei ezkontzeko aukera emanaz sexu desberdineko bikoteek duten baldintza berberekin.”

JUSTIFIKAZIOA

Ordain dela gutxirarte, harreman homosexualak persegitu eta diskriminatu, eta izatezko bikoteak marjinatu egiten ziren. Gaurregun, maitatzeko eta erlazionatzeko modu horiek toleratu egiten dira, baina heterosexualarekiko desberdinak diren aukera afektibosexualak, eta tradizionaltzat jotzen den ezkontza-familiarekiko desberdinak diren bizitzeko eta afektibitatea eta sexualitatea adierazteko moduek ez dute erabateko parekotasun legezkoa eta soziala onartua oraindik.

Konstituzioak, bere 9.2 artikuluan, botere publiko guztiak gizabanakoak bere sexu aukera askatasunez eta berdintasun benetako eta efektiboaz bizitu ahal dezan beharrezkoak diren baldintzak eragitera behartzen ditu. Eskubide honen esparru pean -bai eta zentzu berdineko beste batzuk kontutan hartuz ere- emakume eta gizon orok, bere askatasuna legitimitate osoz

...///...

...///...

erabiliz, bizitza-komunitate bat osatzeko eskubidea du, familia bat edo babes juridiko eta sozial berbera izan beharko lukeen beste elkarbizitza-eredu bat sortuz.

Europako Parlamentuak, bai eta Europako Kontseiluak ere, Ebazpen ugari onartu dituzte, partaide diren estatuei sexu bereko bikoteek jasaten duten lege diskriminazioarekin buka dezatela eskatuz. Beste horrenbeste esan daiteke Eusko Legebiltzarraz, zeinak behin

baino gehiagotan onartu baititu gay eta lesbianek pairatzen duten diskriminazio moeta guztien aurka borrokatzea xede zuten proposamenak.

Lazkaoko Udaletxeak, Izatezko Bikoteen Udal Erregistroa onartu zuenean eskubide berdinketaren aldeko urrats garrantzitsua eman zuen, baina hori berdintasunaren aldeko beste neurriekin osatu beharra dago, Erregistroari, egun duen mugapena gaindituz - inskribapen hotz bat baino ez baita-, edukin zabalagoa eman.

Bi emakumez edo gizonez osaturiko bikote askok, Bikoteen Erregistrora joaten direnean inskribatzera, beren maitasunaren adierazpena eta familia bat eratzeke xedez elkarrekin bizitzeko erabakia duintasunez islaturik ikusi nahi dute, baina Udalak ukatu egiten die ezkontza zibila egiten duten bikote heterosexualek ospatzen dituzten zeremonien antzekoak egiteko aukera.

Beste urrats bat eman genezake, nahiz eta txikia izan, desagertzeko denbora gehiegi irauten ari den diskriminazio baten aurka aritzeko, urrats bat gehiago, azken finean, emakume eta gizon guztion arteko gizarte zuzenago eta berdino bat eraikitzeke. Ondorioz, Lazkaoko Udalari eskatzen diogu gay eta lesbianen eskubideen aldeko konpromisoarekin bat egin dezala, aurkeztutako mozioa ahobatez onartuz, horrela diskriminazioak, marjinazioak eta intolerantziak lekurik izango ez duen mundu baten aldeko apostu argia eginez."

Osoko Bilkurak, gaia aztertu ondoren, bertaratutako bere partaide guztien aldeko botuarekin mozio hau onartzea erabakitzen du.

Une honetan Sarriegi zinegotziak bilkura utzi egiten du.

XII.- ABERRI EGUNAREN INGURUKO MOZIOA.-

Irastortza zinegotziak (EH) esaten du dei egiten dutela aberri eguna alderdi abertzale guztiek batera ospa dezaten. Jarraian mozioa irakurtzen du. Mozioak honela dio:

"Gaur, martxoak 31, igandea, Aberri Eguna da. 1.931tik, egun hau gure Herriaren eguna izan da, eta, beste herri askotan egiten den antzera, gure nazioaren berrespen baketsu eta kolektiboa ospatuko dugu gaur. Egun honekin, euskaldun guztiak batzea dugu helburu, geure nortasunaren adierazpen askea eginaz eta geure herriaren biziraupen borondatea alaiki aldarrikatuz.

Euskal herria nazioa da eta nazio bati dagozkion eskubide politikoak ditu. Eskubide horiek aldarrikatzera dator gaurkoan UDALBILTZA.

...///...

..///...

Herri bezala, nazio bezala irautea eta garatzea dugu helburu, ez baitira makalak, XXI mende honetan, etorkizunari begira, ditugun erronkak. Izan ere hor dugu aurrez aurre, munduan zehar, ekonomi eta kultur alorreko globalizazioaren fenomeno. Globalizazio honek errotik astintzen ditu gure gisako herri baten ekonomia, kultura, hizkuntza eta gizarte bera ere. Eta uniformizazio fenomeno horri erantzuteko beharrezkoa da herri honek bere baliabide politiko, instituzional, ekonomiko edo kulturalak zehaztu eta bideratzea.

Horrexegatik gatoz, hain zuzen ere, Aberri Eguna ospa dezaten gonbitea luzatzera hiritar guztiei.

Horretan ari gara, Euskal Herriaren nazio kontzientzia demokratikoan sakonduz, herri bezala aurrera egiteko lanabesak martxan jartzen. Aipatu erronka horiei ekiterakoan Euskal Herriak bidean aurkitzen dituen zailtasunak ez dira nolanahikoak, eta horiek gainditu eta ezabatzea da gure helburua, euskal herritar guztion arteko eztabaida demokratikoari bide emanez, gure arteko harremanak sakonduz eta herri honen etorkizun politiko, kultural, ekonomiko nahiz hizkuntza alorrekoari bermea eskainiz, inongo indarkeria edo inposaketa jarrerarik gabeko giroan.

Horregatik, ozenki adierazi nahi dugu euskal herritar guztien borondate librearen gainean soilik eraiki daitekeela Euskal Herria nazio moduan, inolako aurrebaldintza eta mugarik gabeko eztabaida demokratiko eta politikoaren bitartez. Herritar eta ideia anitzez osaturiko herri honetan dauden proiektu politiko guztiak leku izango duten eskenatoki demokratiko eta baketsuaren alde lan egiteko konpromisoa hartzen dugu gure gain.

Hausnarketa hauen inguruan burutu dugu aurtengo Aberri Egunaren deialdia, alegia, udal izaeran oinarritzen den euskal instituzio nazional honek eraikuntza demokratikoari begira hartutako ardurak berresteko asmoz. Ospakizun eguna da, baina baita konpromisozkoa ere, euskal gizartearen etorkizuna bakean, justizian eta askatasunean eraiki nahi dugulako. Euskal Herriaren eguneroko eraikuntzan orain artean egindako bideari jarraitzeko borondatea agertzen baitugu, gaurko zitaren bidez.

Aurtengo Aberri Egunak, bada, euskal gizartearen aniztasun sozial eta politikoa oinarritzat hartzen duen nazio eraikuntza libre eta demokratikoari zabaltzen dio leihoa, alderik alde, inposaketa eta zapalketa orori aurre eginez, irekitasuna ikurtzat harturik. Gatazka politikoa eta honen ondorio larrientzat behin betiko soluziobidea mahai gainean jarritz, alegia, burujabetza eta lurraldetasun eskubideak ezagutuak izango dituen Euskal Herriaren onarpena.

Beraz, herrigintza guztion eginbeharra da, eta guztiok behar gaitu, inor baztertu gabe.

Udalbiltzak hala uste du eta hauxe dio: etorkizuna euskal hiritarren eskuetan dago, herri honen eraikuntza nazional eta demokratikoaren eskuetan. Horregatik, dei egiten diegu hiritar guztiei, Aberri Eguna guztion artean alaiki ospa dezagun."

Irastortza zinegotziak hemen irakurri den mozioa aberri egunean irakurriko den manifestua dela argitzen du.

Alkateak esaten du aberri eguna elkarrekin ospatzeari buruz egiten den proposamenari ezezkoa emango diotela ze Udalbiltza hau Batasunak aurrera daraman udalbiltza dela eta

...///...

...///...

ez EAJ eta EAK aurre daramaten Udalbiltza. Esaten du baita ere bestalde Batasunak esaten duela alderdi ez abertzaleetako hautetsiek erakarri egin behar direla eta hori nola daitekeen galdetzen du gaur bezalako egun bateko adibidea daukagunean gu bezala pentsatzen ez duen jendea erakartzeko, esaten du baita ere Batasunak diola Euskal herriaren gizartea anitza dela eta aniztasun hori ona, errespetagarria eta aberasgarria

dela eta berriro diola eta gehiago gaur bezalako egun batean nola ulertu gu bezala pentsatzen ez dutenek jasaten dituzten giza eskubideen bortxaketak ez salatzea. Amaitzeko, esaten du, guzti honengatik, besteak beste, aberri eguna batera egitearen deialdiari ezetza emango diotela eta EAJ eta EAK bultzatutako Udalbiltzaren deialdiari jarraituko diotela.

Serna zinegotziak (PSE-EE) esaten du Alkateak esandako gauzetatik askotan ados dagoela eta EHkoei zuzenduta esaten die errealitatearekin bat ez datorren testu bat aurkeztu dutela, baieztapen paketsu eta kolektiboa esaten dutela euskal gizarte zati batetaz bakarrik ari direnean, esaten du eztabaida demokratikoa esaten dutela eztabaida hori mugatua izaten ari denean egunero Euskadiko udalerri guztietan, eztabaida politiko eta baldintzarik gabekoa esaten dute eztabaida baldintzatzen duten lehenengoak beraiek direnean ze irtenbidea bere burujabetza eta lurraldetasun eskubideak aitortuko zaizkion Euskal Herria ontzat emateari baldintzatzen dutelako Euskal Herri honen zati bat behar bada burujabetasun printzipio hauekin ados ez dagoela aintzat hartu gabe, herritarren aniztasunaren eta bere ideien errespetuaz eta proiektu politiko guztiek leku izateari buruz hitzegiten dute gaur berriro ere beraiek planteatzen dituzten ideia ezberdinak defendatzen zituen norbait erahila izan denean eta guzti honengatik testu honen aurka bozkatuko duela.

Irastortza zinegotziak esaten du osoko bilkura, eta gainera gaur bezalako egun triste batean, ez dela eztabaida batean sartzeko fororik egokiena, baina bai esan nahi duela Batasunak pake proposamena plazaratuko duela laister, alderdi guztiei banatuko zaiena eta hori eztabaidatzeko aukera izango dutela datozen egunetan eta horretako enplazamendua egiten duela.

Serna zinegotziak erantzuten dio esanez irakurri eta aztertuko duela Batasunaren bake proposamen hori baina oinarritzat har ditzazkegun bake proposamen guztiak indarkeria baztertze eta salatzean oinarritzean egon behar dutela ideiak defendatzeko modu bezala.

Guzti honen ondoren bozketan jartzen da mozioa eta Osoko Bilkurak, aldeko 2 botu (EH) eta aurkako 5 botuz (EAJ, EA, PSE-EE) mozioa ez onartzea erabakitzen du.

XIII.- PRESAKAZKO IZAERADUN MOZIOA.-

Alkateak aurkeztutako mozioak honela dio:

“Alderdi Sozialistako Zinegotzia zen Juan Priede Pérez-en erahilketaren aurrean, bando honen bidez zera helarazi nahi diet herritarrei:

- 1.- Gaitzespenik gogorrena, herritar euskaldun baten aurkako ekintza kriminal honengatik, Orioko herritarren ordezkari izaera izanik, udal horretako herritarrek dedikazioz zerbitzatu dituelako.

...///...

...///...

Gure lagunaren kontra atentatu dutenek, euskal gizartearen kontra ere eraso egin dute.

- 2.- Doluminak eta elkartasuna agertu bere familiari, partaide izan den Alderdi Sozialistari, baita korporazioko kide izan den Orioko Udalari.

- 3.- Udaletxeko balkoian ikurriña erdiraino jeitsita eta oihal beltzez jarriko da, dolu adierazpen gisa.
- 4.- Bihar ostirala, martxoak 22, eguerdiko 12etan Udaletxearen aurrean egingo den 15 minutuetako konzentrazioa deitzea.
- 5.- “Gesto por la Paz”ek deituta, bihar ostirala, martxoak 22, arratsaldeko 20:00etan plazan burutuko den konzentrazio isilean parte hartzeko deialdia.”

Une honetan Joseba Hernandez Madinabeitia zinegotzia bertaratzen da.

Osoko Bilkurak, gaia aztertu ondoren, aldeko 5 botu (EAJ, EA, PSE-EE), aurkako boturik gabe eta 3 abstentzioz (EH) mozioa onartu egiten du.

XIV.- GALDERA ETA ERREGUAK.-

Amundarain zinegotziak (EH) esaten du bi idatzi jaso dituztela, bat udal langileek izenpetuta eta bestea LABen izenean.

Irastortza zinegotziak (EH) esaten du idatzi hoiek aktan jasota gera daitezen ondorio bakarrarekin irakurri egingo dituela.

Langileen idatziak honela dio:

“Gaur bildu den Langileen Asanbladak blokeo luze eta EUFALEBA mahaiaren hausturaren aurrean, gure kezka azaldu nahi dugu, EUFALEBA berriaren negoziazio prozesuan erakutsitako negoziazio kolektibo ezaren ondorioz.

ESKATZEN DUGU:

1. EUFALEBaren negoziazio mahai haustune egungo egoerari blokeoa gainditzeko, EUDELen duzuen ordezkartzaren aurrean dagozkion gestioak egin ditzazuen, akzio sindikalaren batasunak aurkeztutako bateratutako plataforma erreferentzi moduan hartuz.
2. Gure eskaria aintzakotzat hartuko duzuelakoan, eta EUFALEBA berri bat sinatu beharraren aurrean, alde honek idatzi hau bihar, martxoaren 21ean, burutuko den Osoko Bilkurara eramatea espero du, hartzen den akordioaren berri Asanblada honi lehen bait lehen emanez.”

LABen izenean dagoen idatziak honela dio:

...///...

...///...

“Lazkaoko Udaleko ordezkari sindikalek, ikusita 2002ko Euskadiko Foru eta Toki Administrazioen zerbitzura dauden langileen lan-baldintzak arautzeko Hitzarmenik adostu ez denez (EUFALEBA)

HONAKO HAU AZALTZEN DUTE

Azken urteetan Administrazio horien zerbitzuplean lan egiten duten langile publikoen lan-baldintzak Erakundeen Alderdiak eta Alderdi Sozialak negoziatzen dituzte. Erakundeen Alderdia EUDELek eta Euskal Autonomia Erkidegoko hiru Foru Aldundiek osatzen dute eta Alderdi Soziala sektoreko Zentral Sindikal nagusiek.

Lan-baldintza horiek EUFALEBA hitzarmenetan joan dira zehazten urtez urte. Bere helburua toki eta foru langileen gizarte eta lan alderdiak arautzea da, eta Euskal Administrazioa eremu honetan ere berdintzea.

Honi dagokionez, gure jarrera Erkidegoko Toki eta Foru Administrazioa osatzen dituzten Entitate Lurraldetar eta Instituzional guztien eremuan negoziazio Markoa defendatzea da.

Hala eta guztiz ere, aurren eta hainbat bilera egin ondoren Hitzarmen hori ez da posible izan, eta horregatik, negoziazioa lan-zentro bakoitzera eraman behar izan dugu.

Horregatik, honen bidez:

DEI EGITEN DIOGU zure Erakundeari Mahai Negoziatzaile bat osatzeko, bertako langileen lan-baldintzak negoziatzeko, eta horretarako, alderdi instituzionalaren solaskideak izendatu ditzan eta bilera-egutegi bat lehenbailehen bidal dezan.”

Alkateak esaten du EUFALEBA EUDEL eta sindikatuen artean osatzen den mahai negoziatzaileak eztabaidatzen duela eta orain artean udal honek mahai horretan hartutako erabakiak aplikatzea besterik ez duela egin eta orain ere horretan dagoela.

XV.- BILERAREN AMAIERA.-

Eta eztabaidatzeko beste gairik ez dagoenez, Alkateak bilera amaitutzat jotzen du, gaueko bederatziak hamar gutxi direnean nik, Idazkariak, guztiaren akta jaso eta ziurtatzen dudalarik.